

A-8 AUTOBIDEA. Bi aldundien jarrera «ez-demokratikoa» salatu dute



A-8 Doan Akordio Soziala ekimeneko kideak, atzo, mobilizazioen berri ematen.

A-8 autobideko bidesaria ez luzatzeko eskatzeko protestetara deitu dute

Urtebete barru egin asmo den bidesariaren luzapena alde batera uzteko eskatuko dute ekainaren 22an Durangoko ordainlekuan

Iñaki Gurrutxaga | **LASARTE**

A-8 autobideko bidesaria 2003tik aurrera ez luzatzea xede duen A-8 Doan Akordio Soziala ekimenak Aldarrikapen Eguna egingo du ekainaren 22an Durangoko ordainlekuan. Bilbo eta Behobia lotzen dituen autobidea biztanle dentsitate handiko inguru batetik pasatzen da, eta egun osoan erabiltzaile asko ditu. Arrazoi horiek direla medio, komunikaziorako bide hau publiko eta doako deklaratu behar dela aldarrikatu dute behin eta berriz ekimeneko kideak.

Orain urtebete falta da 30 urtez indarrean egon den emakida bukatzeko, «eta PSE-EA-EAJren aurretiazko hitzarmena dela medio, Gipuzkoa eta Bizkaiko aldundien ustezko adostasunak eta hedabideetan zabaldukoek ekidinezinako beste 40 urteko bidesariaren luzapena ekarriko dutela iragarri dute», azaldu zuen atzo Lola Amigo A-8 Doan ekimeneko kideak. Bidesariaren luzapenaren aurka dauden erakundeek «hausnarketa sakon» baten beharra azpimarratu zuten, «baina ez ikuspegi ekonomiko eta bidesariaren aldeko iritzirik batetik abiatuta, baizik eta inkestetan

ELKARRETARATZEAK

Gipuzkoa eta Bizkaiko foru aldundien aurrean kontzentrazioak egingo dituzte ekainaren 20an

GALDEKETAK

Orain arte egin diren bi inkesta ofizialean bidesariaren aurkako jarrera nagusitu da

jasotako emaitzak aintzat hartuta».

1994. urtean eginiko NIP kontsultak, A-8 bidesariaren aurka-koak herritarren %63 zirela azaldu zuen, eta A-8 Doanek IPESi agindu zion inkestaren arabera, herritarren %78 jarrera beraren alde agertu ziren. Datu horiei Gipuzkoako eta Bizkaiko hainbat udalerrik eginiko osoko bilkuretan bidesariaren aurka onartu mozioak gaineratu behar zaizkio, baita 100 enpresa komitek luzapen honen aurka azaldutako jarrera ere.

«Gaur egun, bi Aldundiak A-8 bidesariaren luzatzea inposatzen

tzen saiatzen ari dira Gipuzkoa eta Bizkaiko ekonomiekin baztertzaileria den ikuspegi ez demokratiko bat erabiliz», adierazi zuen Lola Amigok. Haren ustez, luzapenak diruari soilik begiratzen dio, «eta 30 urte ondoren orain arte ordaintzen ari-tu direnek beste gune batzuetako bide eta azpiegiturak ordaintzea ekarriko du».

Geroz eta gutxiago gelditzen dela «ospatuko» dute

Urtebete justu falta da emakida bukatzeko eta hori dela eta, «orain dela 30 urte gure komunitatearekin egin zuten kontratu soziala betetzen hasteko gutxiago falta dela ospatuko dute». Horren haritik, ekainaren 20an Bizkaiko eta Gipuzkoako aldundien aurrean elkarretaratzeak egingo dituzte eta ekainaren 22an, larunbata, Aldarrikapen Eguna bat antolatu dute. Irun, Donostia, Zarautz, Eibar, Bilbo eta Zornotzatik autotz abiatuko dira eta guztiak zutabeka lotzen joango dira Durangoko ordainlekuan bildu arte. «Musika eta komunikatu baten irakurketarekin osatuko dugun aldarrikapen festa labur bat egingo dugu bertan, gizartearen borondatea onartua izan dadin eskatuz», esan zuten.

GAZTELUKO PLAZA

Udal arduradunen aurkako salaketak artxibatzea erabaki du epaileak

Erredakzioa | **IRUÑEA**

Nafarroako Auzitegiko Ins-trukzio epaitegiko epaileak artxibatu ditu Iruñeko udal arduradunen eta Gazteluko plazako lanetako arduradunen aurka hainbat bizilagunek jarritako salaketa.

Salaketa ondasunari eginiko kalteengatik jarria zen, eta prebarikazioa leporatzen zitzaizen bertan. Epaileak uste du ez dela horrelakorik frogatu eta administrazioarekiko auzietarako epaitegian argitu beharko litzatekeela gaia, ez penalean.

Salaketa joan den uztailaren 27an jarri zuten Iruñeko sei bizilagunek, berez kultur intereseko ondare izendatuta dagoen inguruan aparkalekua eraikitzeko udalak hartutako erabakien ondorioz.

Bizilagunek Yolanda Barcina alkatea, Juan Ramon Corpas Vianako Printzea erakunde-ko zuzendaria, Jose Ignacio Labiano UPNko zinegotzi ohia, Javier Iturbe eta Roberto Jimenez (PSN) eta Javier Chorraut (CDN) salatu zuten, hain zuzen ere horiek izan zirelako bere taldeen izenean lanak hasteko baimena eman zutenak.

Epaileak uste du eginbide guztietan ez dela irregulartasun penalik antzematen, eta Trama arkeologoen taldearen lana ere ez dela gisa horretakoa dio, nahiz eta Arantzadi Elkartearen txostenak «zuhurtzigabekeria larritzat» jotzen duen.

Bizilagunek lanetako arduradunen kontra ere jarri zuten salaketa, baina epaileak dena artxibatu du.

EZBEHARRAK

Gas leherketa batek eri larri bat eragin du Iruñean

Erredakzioa | **IRUÑEA**

Iruñeko Jarauta kalean atzo goizean izaniko leherketa baten ondorioz, Josu M.M. 46 urteko iruindarrak oso zauri larriak egin zituen, eta etxebizitza osoa guztiz hondatu zen.

Ezbeharra eguerdi aldean gertatu zen, dirudienez gas bonbona baten leherketaren ondorioz. Suhiltzaileek bizitzan piztutako sua amatatu zuten, eta ondoren hondakinak kendu eta etxe osoa es-

koratu zuten. Lehen aurreikuspenen arabera, etxea ezin izango da erabili, oso kalte handiak izan baitzituen.

Leherketa Jarauta kaleko 34. zenbakiko bigarren bizitzan gertatu zen, eta berehala bertaratu ziren udaltzaiek bi lagun atera behar izan zituzten.

Haietako batek zauri larri asko zeuzkan, eta erredurak ere larri samarrak. Baita kolpeak gorputz osoan ere. Beste lagunak ez zuen laguntzarik behar izan.



JESUS DIGES / EFE

Suhiltzaileak leherketa gertatu zen etxeko atarian.